

Chewie & Fio, 5/9j.



suechet zäme äs nöiis Daheime mit Freigang ufm Land

Liebi Tierfründe

Gäu, mir sy zwöi Härzigi? Mir sy dr Chewie u d'Fio u uf dr Suechi nach eme nöiie Daheime. Warum? D'Läbenssituation vo üseni Doseöffner ändrt sich im Summer u mir müesstet zügler u chönntet immr no nid usse. U das tätet mir doch sooo gärn. Itze hei sy schwären Härzens bschlosse, üs es Plätzli z'sueche, wo mir ou Freigang chönntet gnüsse. Drum!

Mir sy 5 u 9jährig, kaschtriert, gimpft, chippet, gsung, schtuberein, sähr mönschebezoge u lieb. Beschti Fründe u uuzertrännlech. Dr Häueri vo üs, der mit die blaue Ouge, das bin ig, dr 5j. **Chewie**. Ig bi e richtige Sunneschiin, läbhaft, ufgwäckt, nöigiirig, uuchompliziert, sähr verschmuest u verschpiut. Ig bi am liebschte überau derbii. Die mit meh Grau, das isch mini Fründin, d'**Fio**. Sy isch 9j. u ehnder d'Zruckhautenderi vo üs. Sy het mir gseit, ig sött sy vorschtäue, sy trout sech nid. Mach ig doch gärn: sy isch dr Ruhepol vo üs, gnüsst's, eifach derbii u ir Nächi z'sy, ufm Sofa z'liege u z'beobachte. Sy isch aafangs vorsichtig u es bitzeli schüech, abr sy tout uf, we sy het ihri Lüüt ha dörfe chennelehre.

Mir sueche uubedingt zäme iifüelsami Lüüt mit viu Ziit u Luscht zum üs Verwöhne. Die wo üs chönntet Freigang ir ländlechi Umgäbig biete. Ohni Ching, Hung u Chatz (ou schpätr nid). Bisch Du grad früsch pensioniert u no sähr fit odr sunsch viu u gärn dihei u hesch viu Ziit? Ziit für üs? Ou für üsi Fäupfläg? Wohnsch Du ir ländlechi Umgäbig u hesch villlicht aou no en Garte? Üse Garte? Ou ja, denn chönnt das üses nöie Daheime sy, denn müesstet mir üs unbedingt lehre chenne. Mir wohne im Moment no z'Biberist/SO, zügler aber gärn zu Dir, wo ou immer Du wohnsch. Mäud Di doch bitte ganz gly bi dr Sonja Ball. Sie het sich üs agno u suechet für üs das nöiie Plätzli. Mir fröie üs ganz fescht uf Di !

Din Dream-Team: Chewie & Fio



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch